



Amt für Volksschule und Sport

Uffizi per la scola populara ed il sport

Ufficio per la scuola popolare e lo sport

Directivas davart ulteriuras structuradas dal di da las instituziuns da la scolaziun speziala

Sa basond sin l'art. 44 al. 3 lit. b da la Lescha davart las scolas popularas dal chantun Grischun (Lescha davart las scolas popularas, LSP; DG 421.000)

relaschadas da l'Uffizi per la scola populara ed il sport ils 24 da november 2025

Art. 1

¹ Sco ulteriuras structuradas dal di da las instituziuns da la scolaziun speziala valan purschidas d'assistenza che han lieu durant las emnas da scola e che surpassan l'assistenza durant las uras da bloc prescrittas da la lescha.

Princip

² Las prescripziuns davart las ulteriuras structuradas dal di da las instituziuns da la scolaziun speziala valan per scolaras e scolars da la scolaziun speziala externa.

³ Per scolaras e scolars en la scolaziun speziala integrativa valan las disposiziuns da la scola regulara.

Art. 2

¹ Las instituziuns da la scolaziun speziala erueschan mintg'onni il basegn tar las personas responsablas per l'educaziun. Ellas fixeschan in termin per eruir il basegn.

Obligaziun da purschida

² En cas da basegn han las scolaras ed ils scolars da la scolaziun speziala integrativa e da la scolaziun speziala externa il dretg d'ina purschida d'assistenza.

Art. 3

Las ulteriuras structuradas dal di pon consistier da las suandantas purschidas d'assistenza:

Purschidas d'assistenza, furmas

- a) assistenza d'avantmezdi;
- b) assistenza da mezdi;
- c) assistenza da suentermezdi.

Art. 4

¹ L'assistenza d'avantmezdi cumenza il pli baud a las 07.30 e dura maximalmain fin al cumenzament da l'assistenza da mezdi.

Purschidas d'assistenza, uras

² L'assistenza da mezdi cumpiglia il gentar e l'assistenza. Ella cumenza cun la fin generala da l'instrucziun d'avantmezdi e finescha cun il cumenzament general da l'instrucziun da suentermezdi.

³ L'assistenza da suentermezdi cumenza il pli baud cun la fin da l'assistenza da mezdi e dura maximalmain fin las 18.00.

⁴ L'Uffizi per la scola populara ed il sport po fixar excepziuns en il cas singul.

Art. 5

¹ Sco unidad d'assistenza da l'assistenza d'avantmezdi u da l'assistenza da suentermezdi vala 1 ura per scolara u scolar.

Unitad d'assistenza

² Sco unidad d'assistenza cumenzada vala in'unidad d'assistenza d'avantmezdi u da suentermezdi che na dura betg 1 ura, ma che vegn purschida durant almain 30 minutas.

Art. 6

¹ Las scolaras ed ils scolars da la scolaziun speziala integrativa utiliseschan las purschidas d'assistenza da las ulteriuras structuras dal di da la scola regulara per regla senza accumpagnament supplementar.

Scolaziun speziala integrativa

² Per scolaras e scolars da la scolaziun speziala integrativa po vegnir engaschè in accumpagnament supplementar, sche:

- a) ellas ed els dovranno sustegn intensiv en connex cun lavurs e chaussas quotidianas u mussan in cumportament che periclitescha autras personas u sasez; e
- b) l'accumpagnament na po betg vegnir pretendì dal personal engaschè en las ulteriuras structuras dal di.

³ Las resursas necessarias per l'accumpagnament supplementar èn limitadas ad in sustegn tras in'assistenza da scola da maximalmain 12 uras per emna e vegnan realisadas da las instituziuns da la scolaziun speziala.

⁴ Resursas supplementaras durant las ulteriuras structuras dal di da la scola regulara per singulas scolaras e singuls scolars da la scolaziun speziala integrativa vegnan finanziadas dal chantun e vegnan inoltradas da l'instituziun da la scolaziun speziala, en collavuraziun cun las personas responsablas per las ulteriuras structuras dal di da la scola regulara, a la partiziun Finanzas da l'Uffizi per la scola populara ed il sport per la controlla.

Art. 7

Las scolaras ed ils scolars da la scolaziun speziala externa vegnan assistids sche pussaivel en il rom da las structuras existentas per las scolaras ed ils scolars da la scolaziun speziala interna da l'instituziun da la scolaziun speziala.

Scolaziun speziala externa

Art. 8

¹ Sche las scholaras ed ils scolars da la scolaziun speziala integrativa utiliseschan las ulteriuras structuradas dal di da la scola regulara, vala la tariffa fixada là. Ils custs ston vegnir surpigliads da las persunas responsablas per l'educaziun.

Tariffas per las persunas responsablas per l'educaziun

² Per scholaras e scolars da la scolaziun speziala externa importa la participaziun als custs da las persunas responsablas per l'educaziun 5 francs per di da dimora.

Art. 9

Questas directivas entran en vigur il 1. d'avust 2026 e remplazzan las directivas dals 14 da matg 2014.

Entrada en vigur